



VAALIT  
VAL

## Ovdâskoddevaaljah 2023

Ovdâskoddevaaljah tuállojeh jyehi niäljád ive. Vaaljâin Suomâ aalmugjesâneh väljeje ovdâskoodán 200 aalmugovdâsteijed meridiđ mii ohtsijn aašijn.

### Ovdâskode pargoh

Ovdâskode tehálumos pargo lii asâttiđ laavâid, moi miel ohtsâškode tuáimá.

Nubbe tehálâš ovdâskode pargo lii meridiđ staatâ budjetist. Budjetist miäruštâleh, ete kost staatâ finnee ruudâid já moos ruudâh kiävttojeh. Ovdâskode meid kocá staatâ ruttâkevttim. Ovdâskode väljee staatâ haldâttâsân uáiviminister já kocá haldâttâs tooimâ. Lasseen ovdâskode meerrid, ete mon uáivilist Suomâ staatâ lii maangâin Euroop union aašijn.

Ive 2023 ovdâskoddevaaljah uárnejuvvojeh

**pasepeeivi 2.4.2023.**

Munejienâstem lii Suomâst 22.-28.3.2023

já olgoenâmijn 22.-25.3.2023.

### Kiäst tun finniih iše?

**Valjâvirgeulmuuh rävveje já išedeh tuu táarbu miel jienâstemsaajeest munejienâstmist já valjâpeeivi puoh tiilijn.**

Jienâstemsaajeest lii meid valjâišedeijee. Tun puávtáh táttuđ suu išán jienâstemkoopin, jis tun jieš jieš paste tevidiđ jienâstemliipu.

Valjâišedeijen puáhtá toimâđ meid olmooš, kiäm tun lah jieš valjim, ovdâmerkkân omâhâš tâi aldaolmooš. Valjâišedeijee ij uážu kuittâg leđe iävtukkâs tâi iävtukkâs aldaolmooš.

Valjâišedeijee ij uážu muštâliđ kiässán, ete kiäm tun jienâstih.

## **Valjâsyeligâsvuotâ**

**Juáhâš meerrid jieš, ete haalijd-uv jienâstiđ já kiäm jienâst.**

Valjâsyeligâsvuotâ uáivild tom, ete tun jieš taarbâš muštâliđ kiässán, ete kiäm tun jienâstah. Valjâsyeligâsvuotâ tiet tun tiävdáh jienâstemliipu jienâstemkoopist.

## **Kii uázžu jienâstiđ?**

Tun uázuh jienâstiđ ovdâskoddevaaljâin,

- jis tun lah Suomâ aalmugjeessân; já
- jis tun lah tiävdám 18 ihheed majemustáá 2.4.2023.

## **Jienâvuoigâdvuotâalmottâs puátá pááikán**

Jis tust lii vuoigâdvuotâ jienâstiđ, te tun finniih tast pááikán reeivâ. Reeivâst lii jienâvuoigâdvuotâalmottâs, mast lii tiätu tuu jienâstemsaajeest valjâpeeivi.

Mieldi lii meid luvâttállâm munejienâstemsoojijn.

Tun finniih almottâskoortâ šleđgâlâžžân, jis tun lah váldám anon Digi- já aalmugtiätuvirgâduv faallâm šleđgâlii viestâdempalvâlus ađai Suomi.fi-saavah (lasetiäđuh čujottâsâst [www.suomi.fi/viestit](http://www.suomi.fi/viestit)).

Jienâvuoigâdvuotâalmottâs tun jieš veltihánnáá taarbâš fârustâd jienâstemsajan, persovntuodâštus lii tuárvi.

## **Kiäm tun puávtáh jienâstiđ?**

Suomâ lii juohhum 13 valjâpirrâdâhân. Jyehi valjâpirrâduvâst láá jieijâs

iävtukkâsah. Tun puávtáh jienâstid ulmuu, kote lii iävtukkâssân ovdâskoddevaaljâin tuu jieijâd valjâpirrâduvâst. Tuu jieijâd valjâpirrâdâh almottuvvoo jienâvuoigâdvuotâalmottâsâst.

Jieijâs valjâpirrâduv iävtukkâsâi numereh láá uáinimnáál jienâstemsoojjn já jienâstemkoopist. Tun finnih iävtukkâsâin tiäđu ovdâmerkkân loostâin, televisiost já internetist.

## **Päikkijienâstem**

Jis tun lah pyeccee tâi jienâstemsajan moonnâm tâi tobbeen jienâstem ličij merettes vaigâd, te tun puávtáh jienâstid päihist munejienâstemääigi.

Tun koolgah almottâtâđ päikkijienâstmân 21.3.2023 tijme 16 räi jieijâd kieldâ kuávdášvaljâlâvdikoodán. Kuávdášvaljâlâvdikode puhelinnummeer lii jienâvuoigâdvuotâalmottâsâst. Tun finnih kuávdášvaljâlâvdikoddeest meid lasetiäđu päikkijienâstmist.

## **Návt tun jienâstah muuneeld**

Tun puávtáh valjid, ete jienâstah-uv jienâstempeeivi vâi muuneeld. Tun puávtáh jienâstid ovdâskoddevaaljâin muuneeld mon peri munejienâstemsaajeest Suomâst tâi olgoenâmijn.

**Vääldi jienâstmân mielidi koválie persovntuođâštus, ovdâmerkkân passâ, persovnkorttâ tâi vyeijimkorttâ.**

- 1. Čääiti persovntuođâštus valjâvirgeulmui.** Valjâvirgeolmooš täärhist tom já addel tunjin jienâstemliipu.
- 2. Moonâ jienâstemkoopin.** Čääli jienâstemliipun čielgâsávt ton iävtukkâs nummeer, kiäm tun jienâstah. Ele čääli jienâstemliipun maiden muide.
- 3. Maaccâst jienâstemliipu kaskoo.**
- 4. Maacâ valjâvirgeulmuu luus.** Sun stempâlist jienâstemliipu já

addel tunjin ruškis valjâkooveert. Piejâ jienâstemliipu kovertân já lijmiï kooveert kiddâ.

**5. Valjâvirgeolmooš táttu, ete tun vuáláčáláh luámáttuv.**

Vuáláčalluin tun nonniïh, ete tun lah jieš tiävdám jienâstemliipu, finnim toos stempâl já toppim tom kovertân.

**6. Loopâst virgeolmooš tappa valjâkooveert já luámáttuv fiskis vuolgâttâskovertân.**

# Návt tun jienâstah valjâpeeivi

**Valjâpeeivi 2.4.2023 jienâstemsajeh láá áávus tijme 9-20.**

Täärhist jienâvuoigâdvuotâalmottâsâst, ete kost tuu jienâstemsaje lii. Valjâpeeivi tun puávtáh jienâstiđ tuš ton jienâstemsajeest, mii lohá tuu jienâvuoigâdvuotâalmottâsâst.

Väaldi jienâstmân mielđi koválii persovntuođâštus, ovdâmerkkân passâ, persovnkorttâ tâi vyeijimkorttâ.

- 1. Čääiti persovntuođâštus valjâvirgeulmui. Valjâvirgeolmooš täärhist tom, ocá tuu noomâ valjâluvâttâlmist já addel tunjin jienâstemliipu.**
- 2. Moonâ jienâstemkoopin. Čääli jienâstemliipun čielgâsávt ton iávtukkâs nummeer, kiäm tun jienâstah. Ele čääli jienâstemliipun maiden muide.**
- 3. Maaccâst jienâstemliipu kaskoo.**
- 4. Maacâ valjâvirgeulmuu luus. Sun stempplâst jienâstemliipu.**
- 5. Kooččât tuu jienâstemliipu valjâuurnán.**

**Jienâst ovdâskoddevaaljâin!**

Lasetiätu vaaljâin:  
vaalit.fi

Tun puávtáh kojâdiđ vaaljâin já jienâstmist meid riehtiministeriö  
palvâlemntimerist 0800 9 4770.